



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sulpici[i] Severi Presbyteri Opera Omnia**

**Sulpicius <Severus>**

**Amstelodami, 1665**

Abimelec Iudex.

**urn:nbn:de:hbz:466:1-11490**

quibusque consentientibus, & maxime <sup>1</sup> Sichimorum principibus operam ei navantibus, <sup>2</sup> regnum occupavit. Isque <sup>3</sup> discordiis civilibus exercitus, <sup>4</sup> cum suos bello premeret, <sup>5</sup> turrim quandam, in quam se amisso oppido fugientes receperant,

riente barbaries. Adeo verum quod Poëta dicit, omne regnum impatiens consortis esse. Horn.

\* *Pessimis quibusque consentientibus.* ] Conduxerat enim sibi latrones, quos manus, atque lingua, perjurio, & sanguine civili alebat: postremo omnes quos egestas, fugitium, conscius animus exagitant. Quo satellitio stipatus, velut alter Catilina, in perniciem Reipublicæ grassabatur. Horn.

<sup>1</sup> *Sichimorum principibus.* ] סכמי הילך ב sunt cives illius urbis, qui & שנין סכמי, ἀνδρες Συχημ, quod in Hieron. & lxx. *Jonathan:* Habitatores Sichem. Intelliguntur autem primarii cives, & qui Magistratum gerebant. *Drus.* ad Iud. Facile autem hos, in sceleris sui societatem, callidus Tyrannus traxit, sanguine & affinitate iis junctus. Quippe ea urbe maternum genus ducebat.

<sup>2</sup> *Regnum occupavit.* ] Constituerunt Sichemita Regem Abimelech, juxta quercum quæ stabat in Sichem. Hanc quercum Mafius & Serarius putant eam fuisse ad quam Abrahamus altare constituit Gen. 12. v. 6. Sic fuisset annosa quercus:

*Religione patrum multos servata per annos.* Quicquid sit, locus erat, ubi solennes conventus suos, & comitia magistratui creando, exercebant Sichemita. Vide Interpret. Hinc patet Abimelechum non fuisse Israëlitis Iudicem & Principem: utpote nec à Deo, nec populo, sed à paucis Sichemitis, civibus suis, electum & vi interitum Tyrannum. Unde nec tribus Iuda, nec cætera eum acceptasse leguntur. Hinc & ipse duntaxat in Sichem regnavit. *A Lapide.* Falso autem commentus fuerat, lxx. fratres suos, pari potestate, regnum affectare vel Principatum. Unde commendata Monarchia, facile Sichemitas, occulto

nt videtur Gedeonis odio flagrantibus, in partes suas traxit.

<sup>3</sup> *Discordiis civilibus exercitus.* ] Misit Dominus spiritum pessimum inter Abimelech & habitatores Sichem, qui cœperunt eum detestari. Lib. *Jud.* in Hebræo est ירדד' rebellarunt. Rebellionis author fuit, usus populi odio & abalienatione, Gaal Princeps Sichemitarum, & Abimelechi æmulus. Unde factum ut Sichemita eum urbe sua, tanquam crudelissimum Tyrannum, pellerent. *Joseph.*

<sup>4</sup> *Cum suos bello premeret.* ] Sichemitas. Quorum urbem, ex insidiis, & proditione Zebuli, captam, solo æquavit. Καὶ Σικιμίται πάντες ἕως δούλων. Ruinas sale consevit, ad sterilitatem solo inducendam. *Virgil.* II. *Georg.*

*Salsa etenim terra est, & quæ perhibetur amara,*

*Frugibus infelix.* —

Alii existimant ad fertilitatis signum deletis urbibus sale insparsum. Quasi imposterum agri & sata futura essent ubi olim palatia & ædes. A sale enim omnis fertilitas, nisi nimius sit. Reliquias cum turri, in quam se receperant, concremavit. Hoc successu elatus, arma terroremque nominis sui late circumtulit, quicquid restaret tribuum, Tyrannidi suæ adjecturus. *Josephus.*

<sup>5</sup> *Turrim quandam, in quam se amisso oppido.* ] ירדד. *Joseph.* ἤλαυνεν ἐν ἐπ' Θήβας. Putavit igitur nomen ejus oppidi fuisse Thebas. Quarum Eustathius novem recenset. Thebes autem urbs fuit in Tribu Manasse, in finibus Neapoleos, pergentibus Scythopolin, quasi in decimo tertio ejus lapide. *Hieronym.* & *Euseb.* Fuitque alia à Thesbi, ex qua oriundus Elias Propheta, cognomen

ceperant; expugnare aggressus, dum incautius subiit, <sup>1</sup> saxo à muliere ictus periit, cum triennio imperium tenuisset. <sup>3</sup> Huic successit <sup>2</sup> THOLA, qui <sup>3</sup> duobus & xx. annis regno <sup>4</sup> potitus est. <sup>4</sup> Post hunc JAIR fuit, qui cum æque viginti & duos annos principatum obtinisset, populus, relicto <sup>5</sup> Domino, <sup>5</sup> idolis se mancipavit. Obque id Israëlitæ sub-

acti

Thesbitæ tulit, uti contra Lyranum iidem docent.

<sup>1</sup> Saxo à muliere ictus periit. ] Iuste lapide percussus interiit, qui super lapidem lxx. fratres occiderat. Sic tegula à muliere dejecta misere Argis periit Pyrrhus Rex Epirotarum. *Plutarchus*. Hermannus quoque Saxonum Rex, arcem oppugnans, saxo à scœmina dejecto interemptus est. *Avent. 5*. Unde Lacedæmonii, ut author est *Plut.* in *Sylla*, τήρουχίας improbatunt, quod in illis vel à muliere interficeretur vir fortissimus. Seneca *Hercule Oeteo* :

*O turpe fatum! scœmina Herculeæ necis  
Auctor feretur?* —

Ad quam infamiam declinandam, maluit Tyrannus Abimelech, manu armigeri sui cadere. Ο ἡ πιαύτην ἐπέεργεῖς εἰς τὸς ἀδελφούς τῆς ἀνομίας ποιῶν ἐξέπεσε, ἢ τῆς εἰς Σικιμῆς αὐτῶν τελευτησάντων. *Ioseph*. Nec tamen effugere potuit, quin Ioab diceret: *Quis percussit Abimelech filium Ierubbaal? Nonne mulier misit super eum fragmen mola de muro, & interfecit eum in Thebes?* *II. Regum 11. 21.*

<sup>2</sup> Thola. ] *Iud. 10*. Ita *Sigon. Gifelin. Drusus*. Editio *Elzevir. Cholias*. Quod haud dubie corruptum, & præter mentem authoris, cum nec lxx. nec Latinus cum ita vocent. *Horn*. Fuit consobrinus Abimelech, utpote filius Phua, qui erat frater Gedeonis. Sed quia Gedeon ex tribu Manasse, Phua ex Issachar, patet fuisse fratres uterinos duntaxat, ita ut mater eorum nupserit Ioas Manassensi, ex eoque genuerit Gedeonem: deinde nupserit alteri viro è tribu Issachar, ex eoque genuerit Phua patrem Tholia. Sic *Augustinus & alii*. Videtur

electione populi creatus Iudex. Nam Dei hic nulla fit mentio. *Abul*. Sic & à populo electi Iudices Iephte, Abfan, Abialon & Abdon. Nimirum Hebraei ob merita Gedeonis, voluerunt ex ejus prosapia creare judicem: cumque filii omnes ejus extincti essent, acceperunt consobrinum & Tholam. *A Lapide*.

<sup>3</sup> Duobus & xx. annis regno potitus est. ] Sic *Eusebius*. Hebraei, lxx. & Latinus xxxiii. annis. Nihil præterea de illo tradunt sacri Annales, nisi quod vixerit ac sepultus sit in Samir montis Ephraim. Quod additur, quia alia in tribu Iudæ. *Iosua 15. 41. Menochius*.

<sup>4</sup> Post hunc Jair fuit. ] Non hic est ille de quo *Num. 32. 41*. Sed alius, Segubi filius, indicatus etiam *I. Paral. 11. 22. Grot*. Fuit Galaadites, ac proinde ex tribu Manasse, quæ trans Iordanem in Galaatitide habitabat. Unde & oppida, quibus filii ejus xxx. præfuerunt, erant in tribu Manasse. *A Lapide*. Ex quo videri possit hunc Iairum absoluto quodam Dominio Israëli præfuisse, quia oppida filiis suis dedit, quæ & à nomine ipsius dicta fuerunt Havoth Iair, *villa Iair*. Potest tamen etiam dici, Iairum sic præfuisse filios suos istis civitatibus, sicut legitur & Samuel præfuisse suos filios *I Reg. 8*. cum nuda potestate judicandi, non autem dominandi. *Estius*. Sepultus est in Camone Galadenes. *Ioseph*.

<sup>5</sup> Idolis. ] Baalim & Astaroth, Diis Syriæ ac Sidonis, & Moab ac filiorum Ammon, & Philistim. *Iud. 10. 6*. Cæterum hi omnes populi Solem imprimis, sub alio atque alio nomine coluerunt. Syris ac Sidoniis dicebatur generali nomine *הַגִּבְיֹן*, Dominus. *Palmyrenis* *Αγλα*